

Povodom 22. februara/veljače – Dana Općine Jajce, na osnovu člana 13. Odluke o javnim priznanjima Općine Jajce („Službene novine Općine Jajce“, broj: 5/15), Komisija za odlikovanja i druga javna priznanja Općine Jajce, raspisuje

JAVNI POZIV

za dostavljanje prijedloga za dodjelu javnih priznanja i nagrada Općine Jajce

Objavljuje se javni poziv povodom 22. februara/veljače – Dana Općine Jajce za dodjelu priznanja i nagrada Općine Jajce.

Javna priznanja su:

- Počasni građanin Općine Jajce
- Plaketa Općine Jajce
- Zahvalnica Općine Jajce

Nagrade Općine Jajce su:

- Nagrada 22. februar/veljača
- Nagrada Općine Jajce

Počasni građanin Općine Jajce je priznanje koje se dodjeljuje građanima Bosne i Hercegovine i stranim državljanima. Počasnim građaninom proglašava se građanin Bosne i Hercegovine koji se naročito istaknuo u razvoju i promoviranju Općine, unapređenju međunarodne saradnje i očuvanju mira u zemlji i inozemstvu. Počasnim građaninom može se proglasiti i strani državljanin koji je ostvario naročit doprinos razvoju i afirmaciji Općine Jajce, te razvoju međunarodnih i međuljudskih odnosa na načelima solidarnosti, demokratičnosti, humanosti i tolerancije među ljudima.

Plaketa Općine Jajce dodjeljuje se građanima Bosne i Hercegovine, stranim državljanim, privrednim društvima, ustanovama, udruženjima građana i drugim pravnim osobama za doprinos razvoju općine u oblastima privrede, kulture, obrazovanja, nauke, zdravstva i drugim oblastima života i rada.

Zahvalnica Općine Jajce dodjeljuje se domaćim fizičkim i pravnim osobama za humanitarne aktivnosti, izgradnju civilnog društva, kao i za uspješnu saradnju, te za doprinos imidžu Općine Jajce, kao humane sredine i mjesta ugodnog življenja.

Nagrada 22. februar/veljača dodjeljuje se redovnim učenicima i studentima sa područja Općine Jajce, kao i pojedincima i grupama, koji su ostvarili izuzetne rezultate na očuvanju i unapređenju opće društvenih vrijednosti, kao i u nastavnim i van nastavnim aktivnostima (borba protiv droge, nasilja u porodici, svih vrsta diskriminacije, zalaganje za mir, suživot, demokraciju, postignuti uspjesi na takmičenjima u oblasti nauke, kulture, sporta i sl.)

Nagrada Općine Jajce je nagrada koja se dodjeljuje fizičkim osobama za izuzetne ostvarene rezultate u privredi, poljoprivredi, nauci, kulturi, zdravstvu, socijalnoj zaštiti, zaštiti životne sredine i drugim vidovima stvaralaštva u Općini Jajce.

Prijedlog za dodjelu jednog od priznanja ili nagrada mogu podnositi:

Građani, vijećnici Općinskog vijeća Općine Jajce, Općinski načelnik Općine Jajce, privredna društva, javne ustanove, udruženja građana, te druge organizacije i zajednice.

Prijedlog se podnosi u pisanoj formi i treba da sadrži:

1. Podatke o podnosiocu prijedloga
2. Vrstu priznanja ili nagrade za koju se kandidat predlaže
3. Podatke o kandidatu za dodjelu priznanja ili nagrade (ime i prezime, biografija za fizičke osobe, te naziv i osnovni podaci o pravnoj osobi i njenom djelovanju)
4. Obrazloženje prijedloga uz odgovarajuću popratnu dokumentaciju.

Rok za podnošenje prijedloga je do 31.12.2017. godine do 12 sati.

Javni poziv se objavljuje na lokalnom radiju Općine Jajce, web stranici Općine Jajce (opc.jajce@tel.net.ba) i oglasnoj ploči Općine Jajce.

Nepotpuni i neblagovremeni prijedlozi se neće uzimati u razmatranje.

Podnosilac prijedloga moralno i materijalno odgovara za točnost podataka navedenih u prijedlogu.

Prijedloge uputiti na adresu:

OPĆINA JAJCE

Općinsko vijeće

Komisija za odlikovanja i druga javna priznanja, sa naznakom „Prijedlog za dodjelu javnih priznanja i nagrada – NE OTVARATI“

Ulica Nikole Šopa bb, 70 101 Jajce

Prijedlozi se mogu uputiti putem pošte ili predati neposredno na protokol Općine Jajce.

Više informacija možete dobiti putem telefona: 030/659-959.

Broj: 01-01-06-8446/17

Jajce, 27.12.2016. godine

PREDSJEDNIK KOMISIJE ZA ODLIKOVANJA
I DRUGA JAVNA PRIZNANJA

Mujo Nešusić

